

嘉靖思南府志

地 360.63
1275
部 四 112



天一閣藏明代方志選刊

思南府志

書	
號	
函 2 冊	
登錄號 97144	

一九六二年一月上海古籍
 書店據寧波天一閣藏明嘉
 靖刻本景印原書版框高二
 ○·九公分寬一四·一公分

思南府志序



思南故宣慰司治永樂中罷
司置府與內郡比百有餘年
漸被文教蔚然移風而西麓
田子以間出之才追琢至行
領袖後生于是薦紳之士彬
彬焉冠于全省矣府故無志

田子喟然述作郡守洪君請
而梓之既成而予以行部至
閱田子所爲志知其有髦髦
憂國之思焉非直以物色山
川備圖籍也夫思南宇內之
僻郡也山谷阨隘獠犵跽伏
在昔開疆羈縻而治故其法

未備境多縵土沃而善樹四方沅冗亡賴匿命此焉逋藪慮不為土著而胥宇者故其民易動東邇西陽西連真播二三酋長無嚴黜陟豪舉自恣窳窳其民反目而籲天者憤噪蠢起軼我疆場池魚之

思南府志

前序

二

禍比比懼之皆異省轄屬也故督課之法難行夫以法令未備之域雜以易動之民逼于豪舉自恣之比隣而郡守縣令制不軍興鋤擊卒有草竊變安所圖昔之為思南者亦難矣田子給事中時嘗建

議于

朝請設按察佐使一員治兵茲
土兼制諸司警備不測

國論躋之竟如所請迺今法制
寢周而姦究稍戢是則田子
有功于父母之邦也志之作
宜首表焉他所稱述固未義

爾夫先王之治天下也慮外
而勤內故政常均其用人也
敬邇而恤遠故士有勸迺今
仕者戀中朝內郡鄙邊方一
閱除書即神氣沮喪墨墨就
列一切自利冀旦夕脫去爲
幸何暇及民夫使仕者懷墨

墨沮喪之心甚非所以攘綏
四表紆

主上旁矚之憂也故曰擇民而
使者非良吏也擇官而宦者
非忠臣也苟以自靖爲心何
論遠近且思南雖遠念其民
獨非先王之苗裔乎出繒粟

供繇役以奉其上甚敬困于
盜賊之擾不相保聚望治于
其上也甚勤然則思南之民
固無負于郡縣長吏也爲郡
縣長吏者獨忍以邊方鄙思
南之民乎此則田子之微意
而未發者予故論序首編俾

後之覽者有政治之資焉若
曰將以披圖籍考山川則信
為斯志之末義矣

嘉靖十六年春正月八日錢
唐田汝成序



思南府志序終

思南府志序

志也者識也郡之史也以彌
物采域質所稽也以撰風謠
淳碧所識也以永監觀文獻
所屬也古我有邦莫之克廢
也思何闕焉黔荒之遺習也
維是網羅之責秋自叨第以

思南府志 序 乙

來竊有志矣而未之逮也迺
嘉靖甲午郡博鍾子主節亦
有作矣而事未竟也明年冬
月峯洪公承藩以南都樞佐
出守我邦憲古振文用繼其
役弘敷之暇爰以鍾子之稿
屬予釐正焉凡再閱月績用

告成公乃枉軒蓋過西麓之
草堂而揖予曰是役也有思
以來一舉者也嘉成猷遠子
可無言乎哉西麓子曰嘻方
冊之布永矣予何言也雖然
亦竊聞之矣天下平則文物
盛統勢一則圖志明斯典也

世運關焉者也且有經邦之
道焉昔者先王之御世也立
典式而觀民因風宜而設教
是故陳詩納價以察趨也五
土有辨以致化也書用識之
以永風也九丘之篇邈矣職
方之典孔子述焉大都爲民

治設也此意而湮即記載之
功盛矣眩于觀詳于志文也
奚用哉是錄固無良亦罔或
弗鑒于茲也地里辨方而點
附會以資理也建置原始而
明制則以示守也田賦經國
而昭民隱以長愛也祠祀以

崇典存慎也官師以著鑒定
趨也人物以徵教化見儀表
也拾遺廣異雜識備政稽也
貫之治式本乎國體惟是而
已迺若神而明之則存乎其
人者也予何言也昔李吉甫
作元和郡國志謂執此可以

善治茲錄也予固無言竊有
望也秋也才淺能薄學踈識
陋况歲月既深系心北上於
是錄也雖畧刪其繁蕪間補
其缺遺然文多鄙俚事全錯
雜聊具草藁云耳冀餘他日
得退歸田里尚當詳輯更定

用備我思之全制焉博覽瞻
聞之士其尚予正也

嘉靖丙申春正月吉旦

賜進士第徵仕郎禮科左給事
中侍

經筵官郡人西麓田秋書


思南府志

序

思南府志序終

兵備道署圖

舖更巡




舖更巡




池月半




舖更巡




舖更巡




佛學圖



水德江長官司署圖



變美長官司署圖



安土官宅

司廳

西房三

東房三

更舍

儀門

正巳

社學


預備倉

沿河枯溪長官司署圖


北至婺川縣界

西至印江縣界

南至開水縣界




朗溪蠻夷官司署圖



發川縣圖

城隍廟
縣署



思南府志目錄

圖形兵備署圖一

府境圖一
司署圖四

府署圖一
縣署圖二

卷之一

地理志

沿革

郡志

星野

疆域

至到道

形勝

山川

井泉

里圖

古蹟

丘墓

風俗

卷之二

建置志

府署

學校

射圃

屬治

公署

城郭

倉庫

思南府志

目錄

乙

坊牌

舖舍

關隘

教場

亭院

樓閣

橋渡

卷之三

田賦志

廩祿

貢賦

戶口

差役

土產

卷之四

祠祀志

祠廟

寺觀

神祀

禮儀

器籍

壇壝

漏附

卷之五

官師志

正官 佐貳 首領 教職 屬官 恩蔭

卷之六

人物志

流寓 選舉 封贈 隱逸 貞節 耆壽
胥史 義民

卷之七

拾遺志 祥異附

卷之八

思南府志

目錄

二

誥勅志

志曷為先地里土宇之啓民人繇立也與地
具而後城郭宮室有所麗焉志建置第二制
成民萃徭歛乃興志田賦第三財賦之出犧
牲案盛所以供也志祠祀第四官以祐神師
典陽教幽明相頌焉志官師第五先獻名民
所以刑邦國昭治教者志人物第六事之鑿
者理之藏說鄙而詭皆國之故也志拾遺第
七誥勅者王言之敷而邦家斐如者也用誥

敕大典章也嗚呼八者備而郡事次第登列
稍可觀矣